

龍壁山房詩草

龍壁山房詩集卷八

已未集

馬平王拯定甫

春首雪中借霞舫翰臣萍缸攜酒觀齋壽陽師相用去
年雪韻賦詩敬和

料峭東風欲試燈草堂晴雪幾回曾遶穹雁斷猶題字凍
壑蛟寒待舉盃醉擁鴛鴦思噉壘夢迴鐘鼓在觚棱清時
最要豐年慶長把籌車祝滿勝

玉響縱縱竹韻篩漏雲寒日靜嘗帷早梅穉鵲春前樹殘
菊擘爍雪後枝京師盆菊每經冬臘愁倚蒼茫成好句喜聞衰病託
良醫元亭寂寞頻來晚贏得風流載酒鴟

從弟蘭賓芝庭先後來都相見悲喜開歲五日同返廣
州既送之行拉雜成詠

屈指高會後飄零同氣稀
令原況多難雁渚又同歸
事業期中起門閥愴式微
王程須努力揮手罷沾衣

簿尉清時好蠻荒僻處宜
先人曾宦跡故老定聞知
荔子連村樹桃榔夾路絲
善承清白裔休惜一椽卑

戰國傳申子當時道獨行
青箱慚輟業雄劍枉論兵
帷幕須人寄州家始自鳴
余將老金馬世德看恢宏

何意微生日居然世亂尋
故山思越粵烽火隔雲岑
臘日酸風奠瓊鄉靜夜礎
迴腸時極目雙鯉莫浮沈

大雪連朝申甫立夫各疊前韻見示因復效顰

到春十日三日雪咫尺西山
龍尾沒天公作意不肯休
有似無窮鏹談屑聞聲飄颯
寒逾勁在目晶瑩皓已潔拂
衣旋著笑蒙茸縮手相看畏
鞞裂高枝亂啄寒鳥喜大谷
深

藏老麋悅田家枵枵想紅煨瓊漿思熱醲梨花萬樹
紛蓓蕾玉筍千峯盡羅列軍門戰鼓插底沈驢背吟髭撚
須脫豈無冷銼柴荆戶亦有銷金雲霧闔連朝坑塹應盡
平大地町畦敢誰割憶昔南中見雪稀偶然詩思生銅鉢
宦遊極北少逾壯漸覺豪情冷衾鐵矧從遠道逐戈矛厭
見高原灑毛血龍團活火嬾自煎蓮花清樽屢空設始從
昨歲和茲篇病馬沙場齒牙齧相看銳欲扛鼎雄祇覺怒
思吞海渴如何蕩漾鷺毛重旋復淋漓兔毫折離筵鬪槩
醉膽困撫髀論兵壯心熱便當龍虎整雄區一洗狴狴盡
妖窟斫地悲歌劍鋏鳴仰天大笑冠纓絕朔風四外吹猶
厲一綫寒雲下飛鶻昆侖昨夜定開筵淮蔡當時此犁穴
會看騰踔凌霄漢定爾功名爭日月人生所得意氣麤眼

底么磨灰燼滅果然快意逐黃塵猶欲高詞篆丹碣不然
冰柱雪車吟老我雕蟲甘秃筆

春來

春來將及半大雪尚連朝日薄煙易暝晚寒風更饕層冰
愁布屋疲馬望江皋明日長安陌何心問柳條

穎叔曉直清漪園歸戲贈

積雪神臯路仙郎走馬歸迴風欹絮帽飛霰上朝衣白鶴

尋雙表

園有耶律丞相墓祠

青霓看一圍

內人稱三山之幸為外圍

雲屏毋乃恨

錯夢到金微

拱辰樓大雪次日晴霽疊前韻

歲朝如瞥過燒燈大雪連番得未曾莽蕩湖光飛萬絮迷
茫山色隱孤簷邨林落落餘鴉點苑闕迢迢但鳳棲白玉

高樓元上界倚闌清蕊獨陸陸

舊詩

陸陸

樓頭寒旭一簾飾傍曉新晴透客帷煙影散遮連苑陌鵲

聲歡繞上林枝冰敲鐵甲傳吳會雲臥滄江念越鬻

往年大雪

臥疾越中

感此百憂聊自釋尖叉韻險又昏鴉

苑廬夜直再疊前韻

苑廬蕭槭一孤燈自覺清寒到骨曾深禁有時驚客鬢故
鄉無地著漁舂仙壺夢淺搖紅燭雞樹風微瘦碧稜聞說
朝官幽事近連朝晴雪覆花塍

淡月西南漏點篩峭寒恻恻在車帷香雲自擁金莖路靈
鳥爭栖玉樹枝三日計過頭雁節千金猶覓手龜醫清時
退食蕭閑劇隱几青山笑凍鴟

壽陽師相命作觀齋雪集圖再疊前韻賦呈

精廬一雪話深燈古屋營邱得似曾欲把高齋傳粉本頓
勞清夢觸漁舂檐花撲簌飛無影蒼樹槎枒凍有稜稍喜
寒天修竹在翠梢青葉護階墜

元雲隱隱瘦陽篩難得春風坐一帷雲鶴待迴天際影庭
花都著歲寒枝他時豈獨詩能壽此地頻來俗定醫圓罷
門牆思執挺夜深隣巷記聞鴉

樓居卽事六疊前韻

小樓剛貯短檠燈樓角籠詩幾輩曾雪霽山容宜拄笏冰
開湖面好投簷雷車聲隱來天際芳草煙微上陌稜長日
青春好無事幾家安樂羨農墜

玉斗紅絲墨瀋篩精廬還當讀書帷林鴉向晚時翻樹苑
柳禁寒未放枝浮世功名原似奕微生貧病豈能醫金門

談蕩吾何敢愁見昏黃嚇暝鴟

花朝在直連日霰雨作寒排闥重拈前韻

習習餘寒戀曉燈花朝花事問何曾歸巢旅燕還依社陟
水冰魚不費昏罽栗風威仍作陣模糊霰影欲生稜旛竿
一試天如墨祇恐春光凍麥塍

冰華類雜雨聲篩客館春深未徹帷日下漫愁孤鳳語風
前難覓亂鶯枝天文浪說江湖溢時事誰將疫癘醫忽憶
清明濛水日暗雲叢箚嘯鴟王子二月逆泉出永安州時亦連旬積雨中也

自顏其居玉池西舫用元納新光寺詩中語也招集

伯韓霞舫翰臣及從子霞軒爲禊日之飲遲申甫病不至

門外清涼白玉池當時照影辨禪師風流首座都名世零

落雙松又幾時人代蒼茫雲易幻街隣寥落燕新知底須
零渚兼蘭上聊爲青春送酒卮

懶朝縱飲任相羊難得他鄉似故鄉十載重逢都舊雨一
樽薄醉又斜陽未妨金馬嘲賓戲那得紅螺遲客觴持比
峴山坡下宅玉華愁寂好滿裳

樓居有懷東亭

朝日山氣青夕日山氣蒼青蒼兩不見月出山微茫我居
樓面湖與山日相羊春來湖水生夜月凝清光湖邊樹倒
影離立儼成行有時湖上山宛在中央湖風一蕩漾山
影隨波長卻憶我故亭遐哉山水鄉風塵久遠出魂夢未
或忘何期直金門數椽得清涼日入車馬息山水儼一方
人生適目前我勞容小康彼哉市朝客吾意非所量

過半村居小憩

東風來幾時綠意盈芳草道旁楊柳樹煙影含黃小蒨櫂
酒家春窗戶誰灑埽停車偶憩息白日欲頽照迴頭看西
山山色遠逾好長林迤山麓春氣浮林杪樓觀幾丹青高
原時帶繚沿緣野田麥青入中山道有人乘軒來數騎策
騷裊悠然入圖畫不識閣廷老矯首望東南蒼茫極雲表
車中問何詣塵土日紛擾江南好桑落不讓瀛洲道未知
江渚春猶有人秧稻

才覺

才覺春光好春光早欲回深林聞謝豹香草出冰臺戰伐
多新鬼艱難幾異才揮戈江上旅愁見夕陽摧

喜虛谷謁選至都

年年閒夢熟，昔洲中歲攜家更遠遊。墨綬低回身世感，青
天牢落古今愁。舊時月照梅邊笛，何處燈殘水上樓。獨對
青春如夢裏，玉尊紅燭且時休。

潤臣繡山招陪諸公展禊，慈仁古寺適以是日當直未
赴

城南花事好，尺五餞春年。勝日復茲會，流風餘昔賢。朋交
愴零落，世路惜逶迤。媿我中書石，春衣殊未湔。

伯言先生之喪聞之，殆稔感痛不能爲詞，先成此律。

朔風飛霰一春迷，斷鴈沈雲薄日低。何幸荒江遺老宿，依
然殘魄墮驚鰲。青山瘞骨能孤弱，破甕傳書定棗梨。隔歲
遺編先寄我，亂行昏檠獨愁悽。

符南樵孝廉

葆森

來試禮部，見遺詩刻，並屬題其湖山。

載酒圖卷 時方纂正雅集

平生姚合故情親記別軍中瘁死瀕謂石甫廉諫君所師也曾說當

時射雕手遲看千里化鵬身別裁偽體思先輩收拾遺編

定幾人正合風塵起騰踏湖山樽酒莫悽神

霞軒重來京邸相聚數月頃復之官建昌再送一首

看君舉翮到蒼雲厭說江湖墮稜氛人事幾回還落落客

心重別又紛紛迢迢彭蠡多春雁縹緲香爐苦陣雲沙雨

草風仍好在東州奇績要騰聞時聞建昌收復故云

申甫京兆署後重葺新軒落成招飲次韻軒為前京兆何文安公手

葺

清時宛洛盛樓臺東閣官梅信意栽往事任從前日去好

花端為後人開雲峯舊照何山席草樹新除蔣徑萊猶是

西山好鬢翠倚窗一笑破春來

傍海狼煙恨未平幾聞風議出公卿高岡自愛迎朝日快
閣還宜繫晚晴萬室歡顏思廣廈幾人豪氣奪妖槍此邦
桴鼓多風力看子飛揚酒畔情

慷慨

慷慨幾人思滅賊寂寥孤士自興歌蕭蕭素壁緇塵暗蕩
蕩青天白日俄蘭栗風香春夢熟鴉姑聲亂暮雲多閑園
花竹聊相溷過雁音書問若何

苑廬二首

滿耳暮更聒未休曉風吹樹忽如秋宮槐葉底初陽暗啞

軋新絲學一箒

新蟬

醉袖籠鞭事幾霜湖波滿滿蓋雲香而今蓮葉東南路一

角輕紅澹夕陽

殘荷

雨後扈直清漪園謁元耶律文正公墓祠

鬱鬱叢山蘆蕭然孰祠墓修治傍宮苑

乾隆間
修建

磊落想

皇度宿雨積高原朝煙靄庭樹虛堂神鬼嚇遺像冠裳塑

緬懷耶律公草昧適天數倉皇昔元代法制僅稱具當時

茲管葛餘事猶詞賦聳乎故絕倫姚

樞趙復

實友助我昔

百泉遊馨香拜洲步頗聞梅溪勝咫尺蘇門路如何虛卜

築死瘞邱山處迺知賢者心七尺徇所遇鄉閭重子孫時

節守霜露縱能金盃秘那得銅槃固豹尾幸簪隨螭頭起

瞻慕餘生畏溝瀆何處青山渡

丙辰六月廿一日歐公生日同穎叔招集陶臯薌張詩

船兩侍郎滌甫侍御丈炯甫潤臣繡山翰臣萍石展

拜滁州遺像於松筠菴像為直廬歐齋墨拓瑯琊山
刻原本北宋至今將千年而紙墨完好晁悅之李端
叔題字依然上方

高廟御題一詩蓋昔裴文達公日條所請以刻石後奉置

滁州官署者往年州城被賊流落人間適穎叔戚氏
自皖中來出以相遺者也同人既有歐齋故事穎叔
舉公生日尤虔而茲象適歸之是日潤臣亦攜所藏

詩龕舊摹南薰殿本公像一幀來觀分得松字

南望豫章野封蛇蟠列壩東流天塹渾夾壁明江烽東南
今歲來賊徒日橫縱吳楚兩偏帥久師頽鋒弭我我瑯琊
山醉翁昔支筇近山潁水清稽誅又羣兇謂穎州昔年茲

州陷兵燹殊匄匄寶物分灰礫荒崖疑踏躡何期靈撫阿

猶得瞻丰容尺幅千載餘流播什襲重商皇

先朝筆鱗甲生雲龍美哉乾嘉間聲明際時雍文章比慶
歷晚季孰追從不見詩龕讌羣才猶擊剗歲例舉生朝沐
居恰尋蹤歐齋獲真面使我益懍恭禪房羅拜殷菡萏新
花濃一雨洗炎歊斜陽冷青松座中兩耆德往事談惺忪
我懷城南集此別亦有悰有人弃毛錐樽俎借折衝謂曾
侍郎邵位安知范韓績不再渾郭逢山亭奉公復重踏青
西員外
瑤峯

樓居夜起

南窗作陣撲簌飛青蟲北窗臨水魚蛤相噉嚼南窗北窗
夜作風雨聲起視屋椽星斗光融融金門夜靜黃埃息月
魄茫茫野煙出沈寥山水氣清冷上界仙人幾人識飄然

忽憶洞庭舟舵尾風燈百尺樓
跳魚撥刺鳴蟲幽蘆花蓼
葉長如秋祇宜今夕無風雨
誰識天涯有旅愁

酬楊性農戎部

夔珍

寄示移芝草堂詩草次琴西韻

深山客蹶居日夕自歌答百尺人海樓
嘿然雙板闔從來
孤絃亮眾咻反諧諧楊侯守鄉閭
兩度芝生闔鄰里眾三百
退賊慶春榼識君昔京師何止歲十
叩宛陵白頭郎當日盛門榻吾儕
同造廬檀爐聚羣衲結交慚寡陋
頗畏風塵雜梅老獨謂君恢宏在履
屐詎聞一鄉士賓介能馭選離別久
風塵傳聞竟蕭颯孫郎頃詫我長卷
寄新搦巨刃起劉天黃塵知悔踏洞
庭蛟龍居雲水日默黠湖山轉沈冥
百怪腸腑合嗟余昏塵全才分譏斗
合矧從走軍幕敗奔傷鞅韜時英盛
楚材拭目拔狼噉龍伯昨歸朝辱詩歲

方腊翰臣來時懶慵闕言讐巾簪愧朋盍宛陵又已矣雷

鼓孰鞴鞞

放歌行題城南買醉圖卷為葉二澗臣作

生不能入海捨長蛟登山射猛虎又不能鹿門歸築廬公
塢學書學劍身莽鹵少壯踈踈歎何補往昔沈吟寶劍篇
新來畏讀登樓句長安酒家被酒眠楊花如雪春風顛與
君承平俱少年當日不知樂事偏十年一別交衢路白日
青天灑飛雨世事無端變白衣故人幾輩歸黃土天橋酒
樓高躡天樓中歌舞殊依然金尊美酒斗十千飛紙不用
青銅錢與君且復行流連人生笑兀樽前意猶作他時圖
畫傳

繡山屬為王子梅鴻題顧祠聽雨圖書感

我觀勝國時駿厲邇商俗如何士氣揚不救國齡促頗疑
 講學煥學子百書束事至張空拳冥心轉如朴崑山慨然
 起樸學始開勸天人獨摩研日月廣哀錄高尋暨方園資
 用惟帛粟萬事孰權輿百王相繼續犁然在經策暗室有
 明燭 昭代百年來茲流實饒沃疇人與經師前後比踵
 足其間造通聖各自由偏曲功惟許鄭崇論與程朱篤闔
 朱江戴倫境地日開闢豈無或破碎是有宜甄錄京師時
 晏居古寺尋芳躡巍然祠宇成香火徵曹局首事厥張石
 洲何 紹基 殷勤資畚揭我時亦肩後末座衣慘綠如何十
 載餘世事日越越先亡愴平子石 醜食宜杯淥我昔一出
 選時薦猶有屬春風來集奠檐角晃朝旭記從設祖筵值
 我隨戎遽傷哉淮蔡捷翻作陳陶哭世路遂崎岑歸人老

蹉跎清晨偶來過茂草憐停囑堂龕雖幸存楹桷已如禿
積垣角礪牛壞壁糞堆鴉平叔頗一歸江湖重結束子昔
傷屐齒還今見筇枝獨舍人雖拮据所願乃空欲偶攜簪
榼來聽雨倦車僕吾宗爲此圖毋亦志哀告我懷傷時變
慷慨更擊觸不見彼彥髦衣冠純錄錄聲文久拘擥章縱
成桎梏胡哉詩書澤致爾尺繩酷駑車困太行矯首懷馱
騷楊朱泣歧路抗志宜儀蠋時風本學術揀疾費昌歎未
識起先生吾衰定何贖聞將釀同儕灑掃薦杯菽未能重
興作一爲除塵燭

中秋夜梨西嶺叔集拱辰樓客散對月

漏深宮苑靜迤邐碧雲開仙客各歸去清光何處來危樓
墮煙水殘夕絕風埃獨憶沙場月紛紛戰骨堆

九日顧祠修葺落成諸君邀集後至有作

舊築同綿蘊新功見暨茨遺蹤何顯晦此地復興衰薦菊
筵重肅題饅字定奇雙松會故識來對夕陽時

食懈用懈字韻

夜夢兆得離晨占物宜解稽文紛螭蟒辨族漏鉉錯鄉思
各湖江時新至溟澥頗聞入跪薦聊用百圍買軀腔何輪
困面目儘強楷珍筐齊上負神劍復左拐怒睨幾疑螳華
裝或爭獬想當葭泊聚時得蘆根擺柰何效鼃登在復傳
虎駭鏹投擲生烹支落商君解雖殊魚蜃溷適合薑醯瀝
敲脂美金璞吸髓芳玉嫵譁方得雋鬪笑忍持空罷沈沈
隣酒香豔豔籬花矮常思屏盤敦莫惜汚蟬豸況當蠻觸
興厭說兵戈賦中田又生滕後帳頻移賈吾儕縱郭索羣

醜質昏駛子將行整理纓弁集繁夥當筵築京戶一掃紛
微躡

酒鱗疊前韻

詩情秋特疏酒味近少解忽翻牀頭甕勝得沙裏錯夙聞
踞蟪穴豈習涪雞泮丈人緯蕭縛稚子承筐買淋漓傳趙
漕錯落付崔楷金銷介士甲鐵缺神仙拐形落或殘狸角
偏時獨獬憶從蠶食甘每值霜風擺盤盂堆磊落童姪紛
喜駭將毋伶魂墮直擬萬革解背紅不須炙血碧幾成灑
旅食厭膏粱官廚愁酪爛旣宜燥吻索那得饕涎罷雁鳴
淀泔哀蟀入燈窗矮時光又蕪膾土物宜花牙鄰里困敲
吸江湖猶鬪賊有田化荆杞何處栽苜蓿斷火夢蒼涼山
棚集荒駛行將荷鍤死無事發言夥一笑溷杯螯聊將就

跼蹐

鼻薶先生見過次其初秋咏懷詩韻奉贈

番休閒日一廬藏常誦新詩擬暢當何意停軒來躡躅頓
教揮塵得蒼涼咸甯輟洗誇親見指使論兵幾廢忘宣曲
宜春在雲表平生合是魯靈光

壽陽師相出示江天極目圖卷並詩感賦

金陵昔名都江表森龍虎國朝亦重鎮幢節此開府粵
寇起邊隅狐鳴出村隴前時雖讖兆詎謂成捲土大府夙
高名先聲耀旗鼓隣氛張郢鄂始復籌置圍一往邁陳師
雙旌向淪浦國中方悉率遺此空城堵古人守四境高枕
原堂庶何期江州甲一敗零霜羽衙齋返閉閣三日疑妖
蠱黃巾動地來逐北如風雨蹇蹇方伯公平居勤字撫艱

危繕守具拮据提編戶柰何事勢失枉握千斤縷慷慨自
登陴城中倚榱柱危樓高百尺寥泐天風舞熱血灑江流
孤忠盡偃僂歔臣力竭畢命隨煙櫓矯首望東南三年
成畫斧誰知白簡哀

帝鑒丹忱苦

方伯以城將破嘔血不止卒事
聞蒙 恩諭有丹忱獨矢等語

我昔從軍行二年及星沙危城坐三月賊眾如昏鴉被屋
僅浮屠城南汎汚邪一朝走嶽麓出險如奔虵我隨破卒
歸慚面不可遮門牆時進謁陳此淚如麻艱難我師相忠
盡爲國家詎惟不鄙夷諮度數有加承平百年來寂寞頗
與奢時衰計多加勢絀願每賒可憐春秋責低首百疵瑕
憶持愛弟書示我頭髮髻謂言彼置事勢已成紛拏有兄
職樞軸弟命垂天涯坐視不能採咎心論其他傷哉日月

邁殷地仍霜撾馬革幾時至招魂渺蒹葭披圖此令原風
雨迷幽遐悲歌成激烈恍惚聞嘶笳近傳城中亂蠻觸爭
相譁浮屍蔽江出鍾阜鳴鬼車天人有時會賊閒乃匪差
得毋此精靈毅拔生鯨牙極目復極目層氛閒雲霞何時
眞露布丹旒帶靈車

秋杪曉直 靜明園作

瓮山西去龍橋左仙嶠離宮抱玉泉楊柳曉風殘月下
水天孤鶩落霞邊中峯樓閣虛涵影上界壺錯好汲鮮獨有
微官慚扈從朔霜飛練想茫然

宮前爲觀
水操處云

偶成

幾時傷足猶餘痛盡日科頭又晏眠寂寞馮唐稱父老支
離方朔詫神仙春秋捧奠銷形影吳楚風塵做歲年四壁

琴書真潦倒五陵衣馬讓肥鮮

極樹篇

樹在浣園樞廷左垣門內直中出入所必趨也
琴西直廬居澄懷閣之食筍齋舊有柏三面僅

存一往時翰林程侍郎恩澤所爲賦者去年嘗以一
詩爲琴西贈今秋聞復折死而直中樹獨在故爲篇

樞掖左門曲繚垣門中有木如虵蟠虵身屈立頭幡幡膠
枝相葉翩其反棟花雪落子四垠青房剖出中珠璫伊誰
所植切 帝闢天梁舊種曲蠶擗千齡百祀雨露恩我來
一載趨金門霜朝露夕遊其根睢盱眾目誰與論黃桑對
立愁孤鷓去年訪客哦西園三花盡落獨樹存歸來倚樹
慚石楨抱璞胡乃嗟隣璠頗聞作者驚風旛太陰雷雨波
壽掀蛻龍朽骨孰手捫三五飛落靈虬孫紅羊之劫青牛
幡相如子雲同九原謂程侍郎及我今作詩心煩窳潭潭
温室羞僂言苑林五色丹楓痕瓜廬對臥晝復昏樹龍百

寸允金輪狂思挽強服兩韃幸我不諧旋返轅自分散材
如液構但思日夕歸荒村牛筋詰屈宜邱樊往來枌柘娛
雞豚長楊五柞輝朝噉他年鸞鷲紛翔鸞此木萬年碩大
蕃婆娑老矣余其髡

淀廬六咏

天上北斗星河年化爲石斲之不能言煮亦不可食惟應
天河畔坐對天孫織七小石

何時嘉客去此樹已飄零我來青天月萬里悵青冥飽飯
黃昏後樵歌起遠汀有嘉樹軒

井冽汲常衆井渾淘始難年時居井眉誰識井苦甘復恐
雨時塌秋蛩號夜闌井屋

朝直君門趨暮直君門宿君門嚴九重只在湖山曲樓橈

明月夜清景耐幽獨北辰樓

我懷溺文字所學又空疎不期醉翁醉亦在承明廬欲乞

先生筆焚香幾斂裾歐齋

湖陽車馬囂湖陰好獨處雖無畫舫遊恰有牽船住高樹

洛清陰鼓舫時對語湖陰西舫

霞舫持示令弟麀閣寄詩漫成長句呈霞舫並寄麀閣

君家別君吾所好常時放嬾亦我同十年為別真契闊想

見五畝眠高春黃塵十丈煩車軸夢寐聞君賦秋菊新詩

昨自故鄉來妙語居然奪山綠君家先德尤勤劬篋中祖

硯楹父書狐邱守死不忍棄此意已足矧凡愚龍池君先

父別業自題名碧水青芙蓉往日會停千里車升堂拜母見孺子

百年喬木神仙廬從君與我歸朝籍蚤驅天涯同偏仄羨

君桑落守成都爲有能家賢弟姝新詩罷讀生遙憶邱壑
平生存胸臆那知清晝起探丸坐令連鄉須殺賊彭衙同
谷悲昔賢牢落此情殊眼前干戈運數望衰息幾人崖谷
同顛連人生適意須自求聞君埽屋東西頭相招四海一
子由故山松菊憑荒幽何時大被繩牀夜同話西窗翦燭
秋

戲簡錢少廷尉同年

簿書三日不相仍跨馬走覓西山趾夜空雷雨忽騰踴將
軍盛名驚折臂知君豪氣思擒賊莫爲魏盧慚面墨君不
見脣崩齒缺郎校書何嘗日騎生馬駒

潤臣持示所得新羅山人畫東坡夜遊承天寺圖屬作
一詩時乃咸豐六年十月十二日也

承天寺中月如水夜半敞門客倒屣滿庭竹柏影參差荇藻交橫疑水底黃州逐客仙乎仙偶然閑事都是傳東園懷古出新意點綴人物清而妍城南古寺多幽便舍人撫景恆流連朝來市肆矜異獲爲我展圖誇因緣乾坤萬古此清氣不值其人等閑置贊公精舍采石舟那得人閒常有此感君此意爲君詩此年此月此日時我庭有月無人窺槐龍影落森躩踞林煙暮慙生寒絲長安萬戶俱魂夢微子此圖誰復知

夢遊泰山石室作

高閣彩日生浮雲人代改石壁拂畱題蒼涼幾人在

翰臣通副視學江右詩以餞之

半生半落數親知又見星轡載道時武庫詞宗兼地望皇

華四牡應風詩故人舉旆情應舊賤子升堂意每遲憑語

宮亭湖上旅頻年旌節望東師時會侍郎軍久次鄱陽湖中

楊松樵茂才客出都赴江南軍

荷衣竹馬念江鄉身手憐君亦自傷我愧曹邱知季布人

言穎士似鄱陽行看落日盤弧際醉憶佳人錦瑟旁送爾

曼胡衣短後邸廬歸臥獨蒼涼

奉送陳三蘭谷之官江西

人情眷鄉閭時事況多難我友太邱孫相偕自童冠吾州

柳野稱賢侯又名翰羅池存學舍山水本雄觀垂髫占試

席與子接几案眾中神貌異顧我獨笑粲君家時五常羣

指白眉璨嚴君廣川牧人口有嗟讚庭趨行萬里未幾復

襪判英雋數同儕中途各星散重逢灘水側獨與共朝盱

翩翩琳瑯姿奔走同瓦墁工師賦鹿鳴京邑來駢駢後先
雖殊遇情好日汗漫我幼本孤特君行中谷歎合離時每
易哀樂情相半嘶騎尉陀城茲遊最荒謾人爲等蹉跌節
物屢更換趙李數經過春風動銀蒜夕陽連巷陌燕燕迷
秋館我去病江沱君行滯荆岸秦鬢窺玉鏡垂死親交斷
一舸渡江來情珍百錦段牀興仰顏色對面疑柯爛慷慨
激平生餘生志幽竄世途酒食闕市道文章調膠漆且疎
薄日天儼乖叛雲門不可作雨堙愁鳴鶴巨盜視圍輿黃
罷雜青豕鄉關實首禍我起隨戎幔天人悠謬生兩載失
翊贊都荔馬求林君來訪樵爨言歸舊廬化閭左頗衛捍
論功升斗秩復謁金臺畔嗟予還濩落卻埽獨踞鍛日從
金馬歸與子聊泮渙君今又亟去渾水涉滌滌淅淅易昔冰

凌年時未堅泮迢迢彭蠡閒巢鳥多腐殿風塵莽兵甲開
濟孰溶侃列雉擁狼貙花時幾封鄴書生戎馬事尤恐涉
崑紉羽檄況南交驚烽遍閩閩窮愁到官府流宕盡親串
令原又多急數口僑灞澹羈遲生死際能已不悲惋惜君
憐遣出昵我無良算忽憶卅年前依稀眉宇悍浮雲幾蒼
白星鬢各衰俛人生仗忠信行矣勿撓亂惘悞有光輝何
須瓦著斷不觀古循卓桴鼓揚旌罕君行懷治譜兇狡所
畏憚金石近雕鏤高文溯墳篆丹青尤灑雪雲水不漫漶
君善印刻
及畫山水與君重結誓豎立行有券江海待清平雲章再
糾縵君耆我亦蒼歸去同清晏柳水與鷺山相攜樂行行
江頭人識未日日風帆看

贈翰臣詩意未申復和虛谷韻卻寄

少年結髮慕登臺寶匣青萍鬱未開陞戟一官行且老傳
車萬里看須才新詞宛轉愁銀燭舊學衰殘著玉杯驥子
漸長滂母健王陽馭首肯輕迴

醉司命夕霞舫見過

隣舍喧喧爆竹聲那堪此夕動鄉情孱容老大催年景拙
宦羈孤向友生欲報通明持底事聊將暖熱對青檠滔滔
江漢傳新捷定卜餘光見太平

時鄂軍新復武漢漸黃故云

奉挽費莫文端相國文慶

艱難天步賴匡持一昔橫空甲馬馳燕國才名思老輩曲
江風度冠當時烏虛作賦慚何用慷慨論兵事豈知在日
尋常身後覺漫勞羣輩寫謳思

棣生木命

寶用

來都歲暮有作

駸駸離別歲時乖重喜青燈話舫齋過日風光思伏臘停
雲消息阻江淮新詩但覺相思好薄宦何期且住佳休把
霜毛惜潘令花時青眼爲君揩

龍壁山房集卷九

己未集詩丁巳

馬平王拯定甫

喜銀少李刺史流來都卽送還岳陽往時同出永福呂

先生璜門前年又從征粵寇者也

元亭載酒最情親彭戴門高氣誼真我已文章慚後起君
應風教接先氏平生落拓同書劍故國荒寒尙棘榛行矣
風塵須展足我知髯也故超倫

答符南樵葆森孝廉時孝廉方葺正雅集詩也

沙隄車馬日昏昏倦策歸來屢閉門詩酒漸慵身病早風
花疑夢客愁渾九重薦達須時至當代文章孰道尊爲
上山樓同極目遠鄉烽火又堪論

頴叔送福州橘有詩用山谷以雙井茶送子瞻韻

山人睡足日亭午，俗面幾日違詩書。
打門剝啄送急遞，喜訝翠合丹蚪珠。
君家鄉園摘雲腴，橘官分貢瓊瑤如都城。
米貴母錢困夢想，只落江陵湖。

以越州酒報穎叔疊前韻

展展炊笑五穀客，泔泔統愧千金書。
小年東老作隣日日小，槽紅滴珠報君鷓鴣。
一勺腴感君意氣真，醇如衆人汶汶直須醉歸夢。
那覓稽山湖。

琴西穎叔夜話湖樓再疊前韻

西山朝來爽氣無，拄頰日長還讀書。
樓窗待月夜雲積，坐恐睡龍亡領珠。
與公灑落仙道腴，我詩荒寒百不如。
元龍百尺氣猶在，枉復磊落吞江湖。

巖緇生

辰

孝廉見投詩卷卽贈

任華才子古英流，日渺滄江太白樓。
返照河邊新汴水，崑崙峰天外舊黔州。
崢嶸文字關兵氣，狼藉花枝當酒籌。
又見鳳城楊柳色，幾人殘夢覓封侯。

雪中扈直清漪園作

一冬渾未雪，春半忽飛鏗。
豹尾人披絮，螭頭樹琢瓊。
樓臺金碧影，池館水雲情。
若許東風便，應須上玉京。

黃少蘭司馬

詞

來自江南軍幕次，梁叔前年見懷詩韻。

長沙送子伴，髯參夔鑠將軍劇。
善談強弩屢聞關，左右大星誰意落。
東南傾身國士推，君健捷足時名並。
我慚作檄陳琳，更蕭索能來詩酒對清酣。

虛谷來都舫齋夜話次梁叔韻見貽

詩家誰解靜中參，日日清狂倚醉談。
祇恐緇塵淹洛下，枉

愁明月夢淮南遁坏蒙叟真便嬾束閣殷生未解慚來及
東風試花事忍無新句覓朝酣

滌甫給諫丈將赴東河壽陽師有詩贈行屬次韻

微生立腳欲何階往事回頭多莫諫惟餘師友不相遺退
直城闥造門慣旋馬庭除時雨泥臥驢門巷常晴晏雖言
文字託烏虛猶擬經綸資補綻自嫌書劍本疏略那得掾
曹爭職辦師門學術窺鼎臠客座風流憶茶串歲歲冬烘
未解寒朝朝晏起誰懲慢底須雷雨恨鮎竿坐恐春秋擲
驚棧自從洛下啟閑園祇欲龍門附槃礪侍御重來職諫
諍丈人生計勤鋤鑿心知學道有真源眼見游塵悉虛幻
豹隱元章自忍饑牛紉鐵鼓誰工縵由來有守自有爲至
竟無身亦無患人生索處易生蓬吾道隨行敢從鴈况連

瓜葛蒙深愛又復薪樗刮清盼釀飲常逃自在禪行歌豈

顧旁人訕雄文下訂意尤殷何肉全刪語非謾棲鳥府肅

獨眠遲羅雀門高同請閒官炙稍聞出探懷兒衣準備裁

遮軒時丈將生子食常戒生豈期溫室咨前席翻欲宣房

事從宦或言叱馭本精誠詎有飛鴻防弋篡觀齋昨謁覩

新篇詩壁高張甲重撥并州舊律轉森嚴古道纓徂通徇

綫師有纓徂亭集舊說纓徂與徇谷皆上艾地旅驛春風惜楊柳江湖夜雨

思葭菼亂行看老驥便籊雲白咽寒魚欣得汕三年鐵柱待

遄歸一日金章望重縮長江軍壘息狼烽隣舍人家掩豚

柵鸞鵝鷓薦盡摩霄安惜枋榆搶鳩鷓

月夜杏花下作

黃昏晚飯深檐坐新月林梢一痕破棲鳥林間時有聲花

枝漾濛月微墮去年種花春事稀今年看花春又遲兩株
紅白自能好正是江村菖葉時連畿到處愁蝻子吳楚東
南兵未已削榆爲粥冰作糜重說流亡起淮汜探花爛漫
曲江曲暖日和風渾不足明年花發定如何日坐花前轉
愁獨

三月三日同人集慈仁寺春祀顧先生祠次滌翁韻

我聞勝國多遺老薇蕨山中半黃橘崑山老子最奇崛芒
躋平生盡洲島高才王霸誰將試絕學天人獨尋討縱橫
萬里鬱胸臆歌泣千秋愴行道出處蒼黃孰具論經過寂
寞猶資攷古寺慈仁昔寓遊雙松祠宇存泥爪皂帽管甯
膝幾安塾巾郭泰塵曾埽開成舊井汲又渾毘盧高閣尋
殊杳何況當時眼底人誰知異日春前草同儕數子修盤

敦屢約茲辰絜芹茹世事如雲那足憑遺經在櫝還宜保
微生文字稍漁弋惜學凡將愧蒼皓逐獵虛聲誤少年歸
師往哲期同好越峴山人古貌心長歌祭酒攄奇抱廿七
人來竝題記稽山觴詠風塵表河梁別意更惘然他日流
傳視文藻

追悼陳少逸上舍

森

嘗爲石函記傳於時者

東風三百梨園隊天寶當年樂未涯壁月樓臺空色相采
雲歌管左風懷搜神于寶才難盡荷鋪劉伶恨豈埋昔日
龍城曾記錄雨餘陰火散秋齋

閩中翁蕙卿郵詩相示次韻

平生未識周太樸傳道河聲流向西隣女變彈金絡索賈
船長載碧琉璃世途荆芥還歌鳳吾輩文章笑舞鄴鼇頂

石樽能日飲迷方那不羨高樓

琴西招飲東齋舊黃左田尚書食筍齋也次韻

新闢東齋竹映帷退閑招客且論詩主人自具千畝勢先
輩動令十日思天畔巢痕聊許託生前食藉詎能欺再來
有待風吹籜看取嬰兒脫襁時

極樂寺看海棠時花蕊甫齊也用壁間韻

杪春風日劇清佳花與春人竝好懷三月穠華分帝里十
分清豔出山齋曹騰錦幄千絲幃的歷金珠百琲排不見
當時菡萏水國香堂畔護籤牌

往時寺門
荷花極盛

繡山潤臣邀同招飲何子貞編修於顧祠側步子貞韻
海棠開盡寒猶在花事今年爛漫無厯落雙松原老物寂
寥杯飲幾狂夫名山水井看能守時雨王師總待蘇經始

未忘重感舊爲君攜酒合成圖

大樹菴海棠作花距直廬僅數十步頴叔獨遊有詩大

風中次其韻

樓居反關行自封雌者蝶過雄者蜂頗聞隣寺花枝紅誰
歎獨遊詩料供可憐香國久蒿蓬胡不移之羣玉峰飄茵
落溷惟天工有時西顰慚避東國花堂豔花之濃未知此
花誰擅絕猶喜昨遊曾偶同我年方強衰欲翁花顛走馬
情夙鍾誰知隣舍未相覿乍讀子詩如見逢狂風連日吹
花空因花狼藉愁年豐夜寒燒燭轉相弔惆悵如君使我
慵

西安都統雙林義馬圖紀在高唐軍中馬爲賊掠不去

作也沈侍郎

兆霖

邀與琴西同賦

九部營門賊突起，破驚馬逸不能止。賊來掠馬，馬悲吟我兵求馬，連賊禽馬能拒賊。兼戀主定知都護真材武，王畿破賊西師旋。此馬義聲圖畫傳，繫余賊起曾戎幕。萬馬軍前互騰卻，的盧超躍斑駝怨我欲。題之慘不樂，君不見江淮日夕煙塵昏。仗馬肉鬣聲屢吞，時芻如山千駟屯。幾時歸放華山原，吁嗟馬能知義猶如此。請際當時報恩子。

琴西寓廬花事頗饒，再疊頰叔大樹菴韻。余苑廬及舫齋海棠丁香近，亦作花因復和之。

園花露牆春不封，新詩鬧若貪花蜂。丁香淡白海棠紅，搖毫擲簡幾不供。仙郎賜居壺與蓬，全家花覆三山峰。花閒琢詩語獨工，我廬居偏一水東。牆角爲有斜枝濃，城中齋舫亦灑埽。籬落數閒春事同，老槐垂瘦百歲翁。花前時覆

琉璃鍾苑廬退直幸多暇沐日歸看疑乍逢園直每四日更番休息
人間轉燭愁春空花開花落誰歎豐朝眠獨聽黃鸝語持
比君詩能解慵

穎叔作詩近喜山谷琴西有詩及之再疊前韻

新詩穎脫不可封雙脾蜜飽如山蜂年時弄筆紛青紅一
朝揮斥疑弗供朝來花寺行披蓬眼明翠豁西山峰花間
著語愁春工我如敗畝行南東犁翻恨少春膏濃老坡謬
語效山谷兀傲宗師能強同孫郎頂禿神老翁百年永嘉
靈所鍾曾參涪翁變詩派與子左右源其逢游絲百丈搖
春空漫山李桃顏色豐閉門風雨獨蕭瑟牆角梨花愁更

慵

散直口號

大風連日
作此詩也

剗地東風春已歸
柳棉榆莢撲人飛
樓頭翠隱山重疊
湖面青搖樹四圍
極目天涯愁莽蕩
驚心池館斷芳菲
人生適意當前好
隨分鷗鳧要息機

穎叔招同澗臣伯涵諸君讌集琉球向有美阮宜詔兩
貢使於寄園別館卽送歸國

中山人士古鬚眉
博帶寬袍對舉卮
閒訪西華徵彥會
近傳東國解聲詩
風清舶趁滄波路
雨熟腔峒小麥時
歸去皇華壯行卷
書流象惜何之貢使乞書

拱辰樓下一柳忽萎穎叔有詩三疊前韻

樓陰一閣春煙封
依樓芳樹不畱蜂
晨朝聊隔飛塵紅
吹絮吹花如弗供
昨秋零落先蒿蓬
爽氣頓豁青瑤峯
眼前得失知誰工
春風放綠湖西東
樓栲不復織萑濃
一般隣

水足生意咫尺榮枯胡異同樓居黠觸香山翁
駢龍鍾焚香閉閣獨惆悵曾記絲綸闕下逢神君
色相原虛空阿誰含嬌悽永豐黃昏獨坐自灑掃
老我西山眉黛慵

喜王少摩大令來都題其詩卷卽送之

高歌拔劍笑王郎斫地悲風動豫章不料江湖俱老大可
能詩酒復顛狂黃鑪鬼伯傷新故碧海神山付莽蒼偏著
鵝冠行試吏祇愁行謁問賢良

閩粵軍書疊報與潁叔同有鄉里之戚四疊前韻並系
琴西

我生不能萬戶封低頭行吟愁蠶蜂狼烟夜觸鬢天紅徹
鄉幾年盜賊供家園數畝本飛蓬戢戢萬山刀劍降夜虞

攫峻朝射工南山之南東海東可憐血濺邨花濃銀簪擊
鼓會都老悍卒懦官卷甲同頗聞十斛收田翁平時蛄膏
傾玉鍾醉來闔戶不忍出荆棘流亡愁道逢狂飈雨餘聲
息空草橋慵花壓擔豐括蒼山色亦隣近躡壁花前能放
慵

園直口號

背闕遙青嬾畫眉三山瘦馬策鞭遲卅年前事分明記日
出邨童上塾時

秘閣森森隱紫垣門前流水珮聲繁誰知雪曝茅檐下垂
白冬烘挾兔園

疊顧祠韻投子貞

先生老至翻豪宕笑我元龍意氣無時倚新聲思玉局數

聞餘論薄潛夫書珍舊史頭銜別酒熟高隣鼻觀蘇休負
當時射鵬手筇枝五岳好身圖

豐臺芍藥花開最盛京師人家齋壁殆遍不知始何時
也五疊前韻賦之

十步五畦雲錦封千蘼萬萼迷蝶蜂縹青綾白紫閒紅長
安人家紛買供揚州花田傷棘蓬破雨晝昏江上峰對花
不語愁花工豐宜郭外路南東幾時占卻春花濃十年世
事盡蒼狗猶有此花爛漫同擔頭赤仄疑花翁晚歸欲醉
無深鍾誰知豪家已狼藉到處牆腰籬角逢一杯婪尾愁
春空眼前韶麗殊光豐洛陽古道東風軟不見欄杆春晝

慵

爲琴西題海客授經圖時其琉球弟子阮宣詔方以貢

使來京師也

先生禮酒尊王傅弟子華簪壯使臣檀洞冠裳蒙化久鴻
都風雨歷時親當年教習能知學此日披圖笑逼真讀了
六經哦七字 聖朝文物本柔人

偶得董文恭公畫竹小幀持贈琴西媵之以詩六疊前
韻索和

華練一只剔煤封丹青齧缺愁馬峰篔簹駁綠山花紅卷
贈合君齋壁供東山妙筆生瀛蓬詩如香山畫一峰傳家
翰墨真神工當時舊值仙園東樂泉竹色傳煙濃高齋食
筍雖後出先輩清節將毋同廣川之叟黃山翁詎有烜赫
銘鼎鐘高歌青眼到吾子鸞鶴中霄才一逢鳳翎蕭蕭捎
青空定能竹里沽新豐百年文物感蕭颯畫理詩情那可

慵

伯涵老兄以出遊城西看極樂寺海棠萬壽寺松長句見示次韻萬壽寺余猶未到也

跼居癡若獨脚蜂精英磨蝕歸殘叢城西蕭寺報花發走馬來看能起慵國花堂開隱修竹露苞萬蕾真珠紅松關咫尺惜未到自顧所得亦已豐來鷄山人近蕭散馬蹏時出驕春風詩人酒伴足清興花木一徑禪房通作詩示我好風格髣髴鱗鬣生虬龍京塵雜遝遊士女爲花作態妝纖濃詎知世外有高節冰雪凌厲無丰容昏昏愁隘轉韻俗此語警發如晨鐘山樓退直卧朝爽檐角鐵鳳聞丁東少年看花弗稱意曉夢月落尋無悰連朝風雨花事了往

與盤礴支離翁

穎叔留劉炯甫夜話湖樓分得別字即送之官蘭州

小樓如甌塵生熱黃昏火雲揚列缺夜深月出風露涼晚

達詩人貞苦節隴山西去煙塵清黃河流水繞邊城五月

天山寒尙雪多應記我樓頭別

楊湘芸郎中喪其幼子衡孫甚欲慰之適子貞以曼韻

詩來因復次韻

衡孫幼齡書筆直逼魯公亦子貞所賞也

元經何事解童烏出筆驚傳李衛無奕奕通眉原帝籍鮒

鮒橫目要凡夫老禁卜夏頻投杖痛徹商瞿正采蘇

湘芸前年

甫喪長子而余嗣未立比復多疾

卻謝金吾舊張史更誰筆陣示新圖

范雲吉

泰亨

招同子貞伯涵暨趙沅青朱麋君李眉生

鹿榕諸子集慈仁寺分得知字

昔賢不見昆盧閣此日風流又顧祠人代升沈雙樹在文

章得失幾心知金戈跌宕空豪氣翰墨飛騰好醉時坐戀
清光不歸去寒山月月似峨眉

子貞出示閣重五日飲陶鳧翁宅詩屬和次韻

猿公禮樂成先進到處題詩有豪韻數番高會把樽疎一
覓枯懷得詩潤今年節物百卉遲有似余生厄楊閣頗聞
背直情相淡獨荷齒牙芬不吝微生萬念新羅塵每飯孤
懷鉅鹿陣機緘曾見幾蹉跌決裂徒傷數豪儁人事天時
閱屢嗟今情古道談誰信可憐日日金馬門虛想家家玉
漿醞好事嘉辰續縷絲銜杯故老奇鬚鬢獨依采瀾聽宮
壺永憶朱方挈兒印君詩光景甚勤惜世事冥茫方激迅
老至條鴈氣轉雄傷餘樾馬神能駿但餘文字感蕭颯尙
欲鉛華稽倏瞬注雅牋經未便休凡將日夕還過訊

澁懷園看荷花再次子貞韻並呈沈少司農

子貞過訪沈少司農

曾來招飲及余過少農齋而子貞移樽他處不及走從明日得詩復步和云

樓脚昨宵新水進湖東一雨添花韻園池花事盛今年水
佩風裳劇妍潤苑廬退直每獨居高枕閑過重五閨談邀
直講情稍密詩作漫郎語常客支離酒戶有杯杓冷落詩
壇無局陣打門急遞日傾側隔院驚傳客蒼僑爭邀酒食
似仙源錯引神山又風信蓬萊望隔幾高峯籬落歸尋獨
酸醞想得花閒對盤礴紅衣能記何郎鬢浴浦凌波笑目
成華清滿月空心印夜聞風雨更縱橫曉抽花葉尤奇迅
東陽瘦骨亦清臞左掖詩篇各華駿我亦花前感舊人鏡
瀾污酒時疑瞬晚蟬高柳設相呼鑿翠軒窗試重訊
爾中

承在直時常過信宿鑿翠山房其所屬齋居也

與琴西步荷池上作

新荷山水高於人，花開更出新荷頂。園池繞屋萬荷花，露色風香惜消領。上界仙人官府閒，朝回清晏口花開樓居晏。退臨湖水獨對西峰數鬢翠。

張少冢宰畫慈仁雙松寺中爲人竊去復作一幀有詩

次韻兼乞畫幅

猶有相翔身手閑，夜來風雨走禪關。重煩詩老霜毫健，持慰僧伽雪壁慳。古屋濤音檐鳳語，虛堂雲氣鉢龍還。通靈未惜成佳話，更乞蟠胸九華山。

挽陶鳧薌侍郎文

綺陌芳筵對舉尊，高歌青眼幾人存。勝流袁趙曾親見，舊事乾嘉每細論。夢底金戈猶霍習，花前璧月耐黃昏。遙知

紅豆邨前唱定有哀絲撥斷魂

六月十二日穎叔招集同人作山谷生日奉詩龕像分

得鄉字

炎官火繖卓午張街頭襤襪汗流漿風櫺雪屋焚清香降
神爲祝分甯黃詩龕一像何堂堂豐容睟面凝冠裳知公
戎涪詩益昌乃以道味腴剛腸主人耽詩雲錦章閉門誰
得肘後方千秋一室神洋洋歐蘇近例集賓眾愧我不到
臨川王宜州一水隣吾鄉荆蕪戍樓狐豕場農夫輟耒挾
弓矢天弧何日收封狼老人榕根昔葦杭荔蕉祠廟空相
望安得煙塵埽遐荒溶溪修水偕清涼吁嗟榕溪脩水偕
清涼東腰誰作秘省郎

歐公生日同白蘭巖祠部奉滁州遺像集慈仁寺是日

會者壽陽師及詩船丈滌翁子真澗臣繡山穎叔凡
九人分得哉字時伯涵以病不至滌翁將赴河上行
有日矣

新秋一雨足蘭若氣佳哉四年直承明壽歐筵幾開香火
湖因綠杖履欣追陪於人見歐陽豈獨蘇與梅緬昔翁守
滌四十未衰隕藉非明逸輩詎得投幽能今日觀遺容清
臚而豐鬣斯文本金玉磨礪益燦濯何況彼汗黷如日月
翳纏夕陽在山閒顧影樂裴回千載猶一堂公平不余哈
維予濫簪橐憂時本非才黯沒就無聞從至耆與齡既傷
逝水流復感行騎催誰歟撫雙松能不思徂徠謂陶丈臯
香新喪也
時張侍郎畫寺
中雙松有詩他日中書石懷人燭花摧

送少蘭出都

秋氣倏先覺中含離別聲幾人敦夙昔百感集平生愧我
當兄事知君剪宦情男兒好身手那得畏長征
昔別星沙路今爲佐郡良烽塵尙吳楚戰士幾熊湘往事
懷飛將茲行擬漫郎更誰憐病馬驥足望騰驤

滌甫丈分得蕢字壽陽師復同其韻爲詩見示謹復次

和

昌黎文爲詩辭贊明於廬陵敦韓文詩亦資雄快篠驂
與虬戶窮屈良所戒文辭以義勝師直乃不敗後來眉山
才縱欲天宇隘黃王稍窮變往往得險怪橫流惜裕之迫
逐力未懈自茲觀海盡羸泉各泮泮豈如他潢汙盈涸罕
源派少學慕歐陽嘉辰一尊介千年文物身金石恒不壞
山來不朽立功德人同拜當筵竊鬪韻旗鼓敢封界善歌

當反和中道愧先畫平生期文流才略遜開邁况乎韓范
心時細力還憊獨慚文又弱望道發深喟精勤看宗老日
進爲山簣

題畫冊絕句

春來桃柳遍山村秋水芙蓉淺淡痕記得江南好桑落夜
帆明月泊蘆根

人生只住吳城好一舸樵青待幾時他日湖陰雲萬疊柳
邊門鑰有誰知

奉送滌甫七丈出都感賦四首

會稽天東南鏡水何渟澂山川自城郭禹穴神幽憑自昔
霸中原棲山甲楯興餘風所鬱勃其人必嶒嶸王劉起眞
儒道術如引繩百年旣衰歇古澤惜馮淩幼聞置鄰言舊

德多髦蒸生年背鄉井懷土意何勝游宦自京都邸祠謁
嘗烝丈人風貌殊抱德獨兢兢采奠幸隨肩執恭同降升
退言及道菘顧我差鴛乘姻媿載攀連激揚多友朋以茲
重邇密俗流或勞憎誰知恩誼閒術業無淄澠離合十餘
年所期兼勗懲挈持困相將誘掖狂曷承平生鄉里兒置
腸猶炭冰况爲白璧汙何以尤集蠅老大益孤危中衰百
無能餘生賴師友感激氣爲增僑鄉烽火偏邱壟旣弗登
言念玉鏡叢何時買池葭我識丈人意百年初志仍宦遊
各帆楫豈得事畦塍惻愴畏臨歧客窗懷翦燈艱哉罕同
氣矧我典型曾

聖學本一源其流爲派分光輝生篤實鬱泄鍾斯文往籍
在詩書中古所述論薪盡而火傳匪時胡知聞坑燔慨秦

餘齊魯何斤斤當其抱遺闕執爭事齟齬眾說漸修備殘
叢亦紛紛大師要折衷異說斷其焚鈴言不就邪羣統貴
一尊文詞盛標季六代迷荆榛墜緒何茫茫有責思脊倫
千秋如晤對理得存其神自維六經來一綫懼淪堙文行
由本立貫一詣誰臻吾生悔后學懵然心與身惟於文字
閒溺好自賤貧懷哉世通流老事如斲輪薄材謹繩墨工
辱匠之門先生早學道夙夜惟精勤往昔講師律蒼頭成
異軍多兵乃益善風雲莽驅屯賤子惜望洋秋河笑瀾翻
精亡又多患所最能固存百川孰尾閭一洗河江渾
道航旣同趣逼行常弗及豈無或參錯疑義不苟襲惟茲
球世懷志合本如翁丈人年耆邁所用未百十往聞樞府
遊天縉顏辭輯戔戔冠鐵柱執簡班心立國事正苦兵家

傳本爲邑艱難二三策臣學唯所習驅馬去復來時艱思
蓼集材良亟薦達遺闕恒補拾宣室一席前嘉謨進鮮粒
如石多所投自隔必有入彼猿或顧笑爲道宜感泣賤子
媿後來回谿甘羽戢九重舊巢痕灑掃燕新蟄退閑時造
請德貌屢珍挹陽和寒可曝河潤渴思澗云胡茲河梁不
得人維繫丈人老愈壯慷慨就原隰 帝簡會超除人倫
資引汲何論淇園竹忍就龍山戢

春陽百卉榮松柏獨寒歲借非輪囷姿冰雪早凋敝頗聞
少小年湖海屢羈滯中更歷艱巽磨淬轉新銳將老況儼
獨天心一何厲親知咸慨歎我亦聞思涕夫何有道心履
約守真契人言或假道是豈能強制用力久勤劬居然化
災沴麋犁返充盜蔬布適餐衛夜光明珠生晚節滋芳桂

槐庭詎旋植蘭畹知方菟嗟余小子凶中材遭末世孤行
多弗合先澤矧能繼豈惟少培滋抑恐積乖戾家室再經
營積然祇匏繫功名早自斷門戶惜將替比尤蒲柳衰薄
景一官曳天游困六鑿往往百思憩昨聞丈人言吉夢若
真侷天地一飛蓬人心爲之耿浩然中有執四達致何泥
果然內景徹定免末途蹶以茲周行邁天衢安有際矯首
望車塵傷離欲霑袂雞棲復雞棲已矣吾何稅

與馮魯川夜話

不堪淚雨灑秋槐曾共元亭問字來難得酒腸支磊砢強
將詩句撥寒灰漢廷詎合馮唐老荆土能消王粲哀衡宇
未遙楸局在幾人短燭會深盃

寄挽楊芝樵丈同霞舫作

五陵同學遍戎鈐車笠江湖每滯淹歸老一廬纔託足交
遊四海盡知髯南州風義思徐孺東國文章起謝瞻千里
神交猶隔面天涯野哭淚頻霑

贈陳抱潛來都

西風落葉動長安客子重逢衣袂寒小劫塵沙渾異世中
年哀樂幾更端秋心黯黯搖霜笛夜色昏昏墮月丸忽憶
勾陳炤元武酒邊時拂劍花看

題符南樵半畝園訂詩圖

詩卽正雅集繼長洲沈氏
別裁集而起者蒙名與焉

風流不見沈尙書符子聲名願豈虛桃李春園能愛客江
湖夜雨獨愁予奇功異代如收幣濫籍庾詞比綴襦十載
辛勞徧階溷挂名論定愧何如

虛谷來宿舫齋夜話疊贈抱潛韻

漫勞相見問輕安十笏荒齋對語寒散亂天花猶有跡飄
零風柳竟無端堪驚舊事隨流水剩把新詩似彈丸涵碧
樓頭夜燈火蕭疎塵鬢忍重看

魯川見題拙詩詞意甚美次韻奉酬

聞道并州亦枕戈歸來陞楯意如何祇今名士隆中盡自
昔行軍灞上多晚節冰霜憐素侶幾時江海息昏波廣陵
未絕人間世獨對空齋擊節歌

奉送嚴仙舫通政 正基 乞疾歸辰州

湖海聲名四十年晚歸導引望疑仙龔黃世績流人口吳
楚軍聲夢枕邊戎馬勦勞期後輩鄉閭耆舊續前賢獨令
窮巷希車轍臨水登山倍黯然

琴西邀同穎叔招集沈朗亭少司農張怡琴翰林諸君

作放翁生日於琴西直廬

人生墮地蓬與桑丈夫有志何堂堂老翁九十鏡水旁行
吟日夕悲寒鬢平生聲名動明光從戎南鄭四十強軍中
夜宴酒樂張金釵銀燭列兩旁邊城行烽照益梁醉來躍
馬南山岡便當行策收咸陽關門下瞰清濁漳平趨上黨
踏太行中原日落天蒼黃惜哉此志空旁皇晚遊錦城邨
酒香碧雞坊頭花海棠蜀女一笑三千觴頽然此志猶欲
將西興鼓樂秋宵長角巾翩翩成老蒼祇餘萬首詩飛揚
我家與翁同井鄉歸尋耶溪病在牀丈夫未死何疾疢帷
車獨出差郎當羣公簪毫列玉堂一樽拜酌修冠裳開門
木落天雨霜靈兮仿佛雲中翔河山滿日生蒼涼江頭鼙
鼓聲猶鏗翁乎此志詎可忘

奉題詠我樞相樞垣趨直圖往爲光祿少卿時作也圖
有記乃典學閩中作

金蓮學士舊聲名青紫班頭早列卿今日璣衡調玉燭一
星龍尾特分明

緋衣先插侍中貂五夜金門最早朝猶有昇平傳故事尙
方珍賚問勤勞

待捷甘泉夜嚮晨燈簾重展畫圖親春風第一螭頭影曾
夢觚稜向海濱

慄慄清霜曳玉珂槐衙風景近如何樓桃笑倚詩情在日
日西山爽氣多

淀園直廬所居爲拱宸樓公贈
楹帖有山翠滿窗人倚樓句

大雪志喜兼聞鎮江瓜洲之捷

兩年不見臘前雪千里猶傳江上烽東谷昨朝嚴令作西

清連夕捷書同瓊瑤布地 皇穹福虎豹當關一將功會
滌江流淨鯨窟吳兒錢鋪盡銷戎

偶書贈虛谷

東閣曾同曳屐穿尊前豪氣鬪狂顛選人意興何蕭瑟詞
客風流苦靜專羈旅攜家傷亂後煙霞餘痼泥吟邊力難
振子吾衰爾得酒他時憶鄭虔

讀怡志堂初編

捫羅文字五千卷馳逐名場三十年歌曲祇憐風格老交
遊誰得道心堅休譚戎馬心徒熱但說雲龍意自便卻笑
李侯誇越雪一編主客貌先賢

讀魯川近詩奉題

晉祠流水如碧玉持比君詩清似無卻愧荒陂蕃草木桂

思奇觀接江湖寒天急景憐窮鳥篆刻雕蟲物壯夫開拓
雄文更誰向脩然長憶舊瓊廬